

# SCRIPTA

---

**Numéro Scripta :** 4901

**Auteur(s) :** Jean Leblanc, d'Ymare [particulier]

**Bénéficiaire(s) :** Robert Coispel, de Pont-de-l'Arche [particulier]

**Genre d'acte :** charte

**Authenticité :** non suspect

**Datation :** 1259, juillet

**Action juridique :** vente

**Langue du texte :** latin

## Analyse

Jean Leblanc vend à Robert Coispel une acre et demie de terre à Sotteville.

## Tableau de la tradition

### Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° CCXXXIV, p. 238-239.

Texte établi d'après a

Notum sit omnibus, tam presentibus quam futuris, quod ego Johannes Leblanc, de Ymaire, vendidi et concessi et omnino dereliqui Roberto dicto Coispel, de Ponte Arche, quamdam acram et dimidiam terre cultibilis, sitam in parrochia de Sotevilla, in duabus pechiis, quarum una sita est inter terram Johannis Le Franc, ex una parte, et terram heredum Guillelmi Rossel defuncti, ex altera, abotans ad viam portus de Sotevilla, ex una parte, et alia sita est ad noam du Veel, inter terram Nicholai Lestore, ex una parte, et terram heredum predicti Guillelmi Rossel, ex altera, abotans ad terram Thome de Houlegate, ex una parte, et ad rypam Sequane, ex altera : tenendam et habendam et jure hereditario possidendam predictam acram et dimidiam terre predicto Roberto et heredibus suis libere, quiete et pacifice, absque ulla de cetero mei vel meorum reclamacione heredum. Pro hac autem hujus hereditagii venditione et concessione dedit michi predictus Robertus sexaginta solidos turonensium, de quibus michi plenarie satisfecit in peccunia numerata. Licebit autem de cetero predicto Roberto et heredibus suis de predicta acra et dimidia terre, ut dictum est, omnem suam penitus facere voluntatem, sicut de sua propria hereditate, salvo tamen jure et redditu capitalium dominorum. Et ego jamdictus Johannes Leblanc et heredes mei predicto Roberto et heredibus suis contra omnes gentes garantizare debemus, vel alibi in nostro proprio hereditagio, ubicumque sit, valore ad valorem, excambiare tenemur et in futuris tenebimur. Et ut hoc firmum et stabile futuris temporibus permaneat, hanc presentem cartam predicto Roberto feci, et sigilli mei munimine roboravi.

Actum anno Domini M° CC° L° nono, mense junii.

Testibus hiis : Nicholao Leforthaie ; Michaele Carnifice ; Nicolao Carnifice ; Stephano Computatore ; Henrico de Oissel, et pluribus aliis.